

QUÆSTIO MEDICA,

QUODLIBETARIIS DISPUTATIONIBUS
manè discutienda in Scholis Medicorum die
Jovis quarta Decembris.

M. PAULO COURTOIS,
Doctore Medico, & Professore
Regio, Præside.

*Extântne quæ vocant specifica medicamenta certarum
ægotationum, partiûmque propria, certarum Labes?*

I.

MEDICAMENTORUM nec unus est ordo,
nec ætas, nec ratio una. Hujus nominis ambitu
continentur, & quæ tantummodò immutant, &
quæ ab excrementis liberant corpus. Hæcque
aut quarumvis sordium ejectionem promovent; aut quod
oneri est, nonnisi vomitu, vel dejectione abigunt: aut ter-
gendo, molliendo, &c. alvum solvunt: aut odiosâ, virosâ,
etiam venenatâ vi nunc clementer, nunc validiùs, nunc ef-
frænatè laceffendo Naturam adigunt ad germanam purgatio-
nem. Gradûsque in illis multi. Coarva quidem elementis
omnia. At non illico doctrinâ eminentibus cognita. Olim
ut erat simplex è simplici victu valetudo; erat & Medicina
(integris vix necessaria) paucarum herbarum; uti nunc pau-
corum hominum scientia, ad Naturæ normam directâ. Simul-
atque pars magna mortalium in intemperantiam se effudit;
crevit cum morbis medicamentorum numerus, operosâque
compositio; cœpit & arti quidquid orbis capit includi, ar-
tificibus quæstum, noménque venantibus. Ceu nempe non

2

sufficerent, sorderentve explorata illa, facile & sine fūco paranda, quæ supinâ terrâ edita nullo leguntur impendio: nihil non ex hujus visceribus, altôque mari quantumvis obrutum eruit serior ætas. Indéque turba fossilium igne multo vexandorum, tristi fere exitu. Hinc ejectionis; cupiditæ, venenisque additum.

I I.

ACCESSERE ludificationes Veteratorum sua jactantium arcana remedia morbo isti elidendo, huiusque firmandæ parti unicè, ut aiunt, comparata; quibus inescati homines plerique nobiles, & plebeij, Naturæ ignari, totos sese dant; tantus amor vitæ; sed quam stultè Fungis creditæ. Eundem errorem combibère Medicorum simioli, seu Vafro- rum imitatione, seu populari opinione, velut à torrente abrepti. Et hoc in luto hæsitant creati unâ horâ medicelli complures, vulgi levitate spectati; non artis prudentiâ, quâ non mediocri eget excussurus eorum quæ nos mutant, & à nobis mutantur, discrimina omnia. Quippe alia notis viribus; latentibus aliqua; ambabus agunt reliqua. Pervulgatis, quæ nihil aliud quàm immutant. Occultis venena, & medicamenta manifestâ qualitate carentia. Utrisque medicamina apertè calida, viventisque dissimilia alimenta. Patiuntur verò similia. Et è potestatibus abditis ortæ ab eo quo res quævis est (cui & semper affixæ) totam comitantur speciem: ita Lupum fugit Ovis quælibet; nulla non torpedio, si qua, stupefacit. Secus aliæ, interdum fugaces, quæ si non ab utero, à propria sunt uniuscujusque temperie, & materiæ apparatu; Ejusmodi alii, rosæ, casei, felis odium, quod paucos tenet homines. Atque his, illæ ab humana cognitione remotiores.

I I I.

RES esse quasdam totâ substantiâ, nobis amicas, inimicas; in multisque residere potentiam, cujus natura, probabilius conjici, quàm perspicui queat, vix ulli ab usque primis sæculis sapientes negarunt; At nonnullis inesse singularem partis unius juvandæ, malique profligandi, Epilepsiæ, v. g. exterminandæ, calculi obtinendi, & similium facultatem; ij soli affirmarunt, qui necdum sapientiæ fores pulsâ-

rant. Optanda res Medico, nullâ methodo, nisi dextro illarum usu opus habituro, ægrotumque omnem suâ semper invaletudine exempturo: quod absurdissimum ratio, sensusque palam refellunt. Quæ scilicet naturâ agunt, nunquam, nisi opposito obice, ociosa, vim suam quantam possunt, continenter exerunt, in obvia quæ attingunt omnia. Neque eorum more quæ ratione utuntur, res objectas internoſcunt, illis parcitura; has ubi, & ut collibuerit, adorsura. Quanquam propinquas prius atque efficacius, quàm longè distitas impetunt. Hoc tam evidens in igne, quæcunque circumstant invadente, vorante; quisquis pharmacis à viventis calore ad opus perductis insitum abnuat, vecors est. Hepatica igitur, stomachica, splenica, &c. malè sustinent, quod à partibus, quibus prodesse feruntur; nomen adepta sunt.

I V.

F A C quæ moderatè calent, incidunt, tergent, ac stringunt, vera sint ob eam rem hepatica, quod sic attemperata, vasa jecoris obsepta expediant, temperiem foveant, suâque, ceu fabulantur, adstrictione corroborent; quidquàm ne obſtare poſſeſt, ne & ipſiſmet qualitibus reliquum corpus imbuant? Sint quæ ventriculū recreent, & hæc velis nolis cor, jecur, cerebrum recreabunt. Equidem inter partes, aliqua plus allevantur cæteris, quoniam aliis, aliæ mutari magis aptæ sunt. Nimirum quod agentis causæ impetum excipit; non pro illius, sed pro sua natura excipit. Hinc idem calor dum hæc indurat, illa liquefacit. Veluti cibi, licet ex iis aliqui parcè, alii strenuè alant; illisque ossa, nervi; his carnes lætiùs adoleſcant; omnes tamen viventi sunt admodum utiles: sic quorumvis hominum jecoribus utcunque temperatis conveniens pharmacum, non poſſeſt non etiam conferre ventriculo, reliquisque corporis ejusdem partibus. Niſi placet à jecore haud malè habito magis temperatione diſſidere ventriculū, quàm ab invicem jecora diverſorum hominum.

V.

N E C medicamenta exiſtunt ullà uni tantum corporis parti amica; nec uni ſoli inſenſa aliqua. Statim atque hæc ventris calore ſoluta ſunt; quas in ſinu gerunt noxias vires quoquoſus emittunt. Neque in hanc, quia ini-

micior, quàm in illam atrociùs sæviunt; sed quoniam ad ipsam sinceriora perveniunt, ipsæ diutiùs adhærescunt; vel quòd illa magis injuriæ pateat. Neque ad eam quam præcipuè violant, sponte suâ commeant. Viso hoste, vel rei cuiuspiam indigentia locum mutare possunt, quæ habent in se motus principium, quo penitus defecta sunt mortua medicamenta. Sed nec à partibus attrahuntur. Virtutem hæ omnes obtinent, quâ succum sibi familiarem alliciant, & quæ molesta sunt, à se propellant: non quâ prolestant, sibi aliqui perniciem conflaturæ. Fidei non minùs extorquet sumptum à rebus documentum. Quas fortè citabis cantharides, adeò voratæ vesicam, quam certè quidem discindunt, non solam dilacerant; ut morte, aut diris ab ore ad anum ulceribus plectant. Vel exteriùs admotæ, cutem deripiunt. Etiamne perâ & manu detentæ cruentum lotium concitant? Somnium planè ludicrum. Sitne par ratio cæterorum, si quis aliquantulum dubitat, periclitetur.

Non igitur extant quæ vocant specifica medicamenta certarum ægrotationum, partiùmque propria, certarum labes.

Domini Doctores disputaturi.

M. Joannes Baptista Renatus
Moreau, Professor Regius.
M. Nicolaus Pelletier, Chi-
rurgia Professor.
M. Renatus le Comte.

M. Franciscus Afforty.
M. Nicolaus de Jouvanci.
M. Germanus Preaux.

M. Guillelmus Petit sere-
nissimè Delphini Prin-
cipis primarius Medicus.
M. Rolandus Merlet.
M. Claudius Perrault;

Proponēbat Lutetiæ PHILIPPUS DOUTÉ, Patissinus
Baccalaureus Medicus. A. R. S. H. 1687.

P A R I S I I S,

Apud Franciscum Muguet, Regis, & Facultatis Medicinæ
Typographum.